

# 卷十六

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始  
 有物而混成何元一之芒昧兮廓開闢而著形爾乃清  
 濁剖兮玄黃判離太極既殊是生兩儀星辰煥列日月  
 重規兮動以尊地靜以卑尋明迭炤或盈或虧陰陽協  
 氣兮謝寒暑隨時而推移三才殊性五行異位千變  
 萬化兮育庶類授之以形稟之以氣色表文采聲有音  
 律焉無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本  
 撰者 明 劉節 輯  
 卷 卷十六  
 內容分類 集-總集-詩文  
 索書號 大木-集部-總集類-3  
 編號 D7920300

彩色首頁

東洋文化研究所漢籍目錄 編號: D7920300  
 東洋文化研究所漢籍目錄所藏漢籍善本文影像資料庫 索書號: 大木-集部-總集類-3  
 漢籍善本文影像資料庫文本廣文選八十二卷 嘉靖十二年序刊本  
 版權所有: 東京大學 東洋文化研究所  
 使用上的注意事項

廣文選卷第十六

明通議大夫都察院右副都御史大庾劉節廣

詩

贈答下

贈長沙公詩

四首

陶淵明

同源分流人易世疎慨然寐歎念茲厥初禮服遂悠歲  
月眇徂感彼行路眷然躊躇○於穆令族允構斯堂諧  
氣冬暄映懷珪璋爰采春花載警秋霜我日欽哉實宗  
之光○伊余云邁在長忘同笑言未久逝焉西東遙遙  
三湘滔滔九江山川阻遠行李時通○何以寫心貽此  
話言進篋雖微終焉爲山敬哉離人臨路悽然款襟或  
遼音問其先



酬丁柴桑詩 二首

陶淵明

有客有客爰來爰止秉直司聰于惠百里滄勝如歸聆  
善若始○匪惟諧也屢有良由載言載眺以寫我憂放  
歡一遇既醉還休寔欣心期方從我遊

答龐參軍詩 六首

陶淵明

衡門之下有琴有書載彈載詠爰得我娛豈無他好樂  
是幽居朝為灌園夕偃蓬廬○人之所寶尚或未珍不  
有同愛云胡以親我求良友寔覲懷人懽心孔洽棟宇  
惟隣○伊余懷人欣德孜孜我有旨酒與汝樂之乃陳  
好言乃著新詩一日不見如何不思○嘉遊未斁誓將  
離分送爾于路街觴無欣依依舊楚邈邈西雲之子之  
遠良話曷聞○昔我二公別舍庚載鳴今也遇之嚴雪飄  
零大藩有命作使上京豈忘宴安女工事靡寧○惓惓寒  
日肅肅其風翩彼方舟容裔江中勗哉征人在始思終  
敬茲良辰以保爾躬

和劉柴桑詩

陶淵明

山澤久見招胡事乃躊躇真為親舊故未忍言索居良  
辰入奇懷挈杖還西廬荒塗無歸人時時見廢墟茅茨  
已就治新疇復應畚谷風轉淒薄春醪解饑劬弱女雖  
非男慰情良勝無栖栖世中事歲月共相疎耕織稱其  
用過此奚所須去去百年外身名同翳如

和郭主簿詩 二首

陶淵明

藹藹堂前林中夏貯清陰凱風因時來回飈開我襟息  
交遊閑業卧起弄書琴園蔬有餘滋舊穀猶儲今營已



有良極過足非所欽春秫作美酒酒熟吾自斟弱子戲  
我側學語未成音此事真復樂聊用忘華簪遙遙望白  
雲懷古一何深

和澤周三春清涼素秋節露疑無游氣天高風景澈陵  
岑聳逸風遙瞻皆奇絕芳菊開林耀青松冠巖列懷此  
真秀姿卓爲霜下傑銜觴念幽人千載撫爾訣檢素不  
獲展厭厭竟良月

贈羊長史詩

陶淵明

愚生三季後慨然念黃虞得知千載外正賴古人書聖  
賢留餘迹事事在中都豈忘游心目關河不可踰九域  
甫已一逝將理舟輿聞君當先邁負痾不獲俱路若經  
南山爲我少躊躇多謝綺齒角精爽今何如紫芝誰復  
採深谷久應蕪駟馬無貫患貧賤有交娛清謹結心曲  
人乘運見疎擁懷累代下言盡意不舒

和胡西曹詩

陶淵明

蕤賓五月中清朝起南颺不駛亦不遲飄飄吹我衣重  
雲蔽白日閑雨紛紛微流目視西園曄曄榮紫葵於今  
甚可愛柰何當復衰感物願及時每恨靡所揮悠悠待  
秋稼寥落將賒遲逸想不可淹猖狂獨長悲

示周祖謝三郎詩

陶淵明

負痾頽簷下終日無一欣藥石有時閑念我意中人相  
去不尋常道路邈何因周生述孔業祖謝響然臻道喪  
向千載今朝復斯聞馬隊非講肆校書亦已勤老夫有  
所愛思與爾爲鄰願言誨諸子從我潁水濱



與從弟敬遠詩

陶淵明

寢迹衡門下邈與世相絕顧眄莫誰知荆扉晝常閉淒淒歲暮風翳翳經日雪傾耳無希聲在目皓已絜勁氣侵襟袖簾飄謝屢設蕭索空宇中了無一可悅歷覽千載書時時見遺烈高操非所攀深得固窮節平津苟不由栖遲詎為拙寄意一言外茲契誰能別

答王僧達詩

顏延年

玉水記芳流璇原載圓折蓄寶每希聲雖秘猶彰澈玲龍際九州聞鳳窺丹穴歷聽豈多士唯然覲時哲舒文廣國華敷言遠朝烈德輝灼光茂芳風被鄉耆側同幽人居郊扉常晝閭林閭時宴開亟迴長者轍庭昏見野陰山明望松雪靜惟淡羣化徂生入窮節豫生誠歡聚悲來非樂闕屬美謝敏翰遙懷具短札

贈馬子喬詩

鮑明遠

雙劍將離別先在匣中鳴煙雨交將夕從此忽分形雌沈吳江裏雄飛入楚城吳江深無底楚闕有崇扃一為天地別豈直限幽明神物終不隔千祀黨還并

贈荀丞詩

鮑明遠

旅人乏愉樂薄暮增思深日落嶺雲歸延頸望江陰亂流濃大壑長霧匝高林林際無窮極雲邊不可尋惟見獨飛鳥千里一揚音推其感物情則知遊子心君居帝京內高會日揮金豈念暮羣客咨嗟戀景沉

贈顧倉曹詩

王僧孺

洛陽十二門樓闕似西崑曖曖果魚下相望隔畫垣晝



垣向阿閣栖鳳復栖鴛五曹均趨奏六尚等便煩朝爐  
何馥馥夜錦有餘温日中驅上駟驤首遍京宛夙昔今  
何在生平棄不論譬如卷施草心謝葉空存誰復三承  
曉獨念九飛魂

奉賀隨王詩 二首

謝元暉

星回夜未艾洞房凝遠情雲陰滿地榭中月懸高城喬  
木含風霧行鴈飛且鳴平臺盛文雅西園富羣英芳慶  
良未矣君王嗣德聲眷此伊洛詠載懷分水情顧已非  
麗則恭惠奉仁明觀菑詠已失憮然愧簪纓

神心遺魏闕冲想顧汾陽肅景懷辰豫捐玦剪山楊時  
惟清夏始雲景曖含芳月陰洞野色日華麗池光草合  
亭臯遠霞生川路長端坐聞鶴引靜瑟愴復傷懷哉泉  
石思歌詠鬱瓊相春塘多迭駕言從伊與商衮職眷英  
覽獨善伊何忘願輟東都遠弘道侍云梁

夏始和劉孱陵詩

謝元暉

威仰弛蒼郊龍曜表皇隰春色卷遙甸炎光麗近邑白  
蘋望已騁湘荷紛可襲徒願尺波旋終伶寸景戢對窓  
斜日過洞隄鮮飈入浮雲去欲窮暮鳥飛相及桑翰緝  
芳塵清源非易揖迴江難絕濟云誰暢佇立良宰勗夜  
漁出入事朝汲積羽余旣裳更賦子盈粒椅梧何必零  
歸來共栖集

答贈別詩

謝元暉

春夜別清樽江潭復爲客歎息東流水如何故鄉陌重  
樹始芬藍芳洲轉如積望望荆臺下歸夢相思夕



答張齊興詩

謝元暉

荆山從百里漢廣流無極北馳星斗正南望朝雲色子  
肅兩岐功我滯三冬臧誰知京洛念彷彿昆山側向夕  
登城濠潛池隱復直地迥聞遙蟬天長望歸翼清文忽  
景麗思泉紛寶飾勿言脩路阻勉予康衢力曾厓寂且  
寥歸軫逝言陟

贈族叔衛軍詩

王元長

台曜澄華鉉岳裁峻經天爲象麗地作鎮不器其德有  
非斯文質起瑚璉才逸卿雲搖筆泉瀉動詠裏紛德馨  
伊何如蘭之宜直筠抽箭潤壁懷山六樂畢該五禮備  
貫七訓是敷三英有粲惟旦惟公惟公惟公

謝宣城賦詩

沈休文

王喬飛鳧鳥東方金馬門從官非宦侶避世非避諠揆  
予發皇鑿短羽屢飛翻早趨朝建禮晚沐卧郊園賓至  
下塵榻憂來命綠樽昔賢侔時雨今守馥蘭蓀神交疲  
夢寐路遠隔思存

行旅

行詩二首

阮元瑜

臨川多悲風秋日苦清涼客子易爲戚感此用哀傷攬  
衣起躑躅上觀心與房三星守故次明月未收光鷄鳴  
當何時朝晨尚未央還坐長歎息憂憂安可忘

我行自凜秋季冬乃來歸置酒高堂上友朋集光輝念  
當復離別涉路險且夷思慮益惆悵淚下沾裳衣

帆入南湖詩

湛方生



彭蠡紀三江廬岳主衆阜白沙淨川路青松蔚巖首此  
水何時流此山何時有人運互推遷茲器獨長久悠悠  
宇宙中古今迭先後

行詩

成公子安

洋洋熊耳流巍巍伊闕山高岡碣崔嵬雙阜夾長川素  
石何磷磷木禽何翩翩遠涉許穎路顧思邈綿綿鬱陶  
懷所親引領情緬然

入東道路詩

謝靈運

整駕辭金門命旅惟詰朝懷居顧歸雲指塗沂行飈屬  
值清明節榮華感和韶陵隰繁綠杞墟囿粲紅桃鷺鷥  
暈方雉纖纖麥垂苗隱軫邑里密緬邈江海遼滿日皆  
見願言寄吟詠

發歸瀨三瀑布望兩溪詩

謝靈運

我行乘日垂放舟候月圓末江免風濤涉情弄漪連積  
石竦雨溪飛泉倒三山亦既窮登涉荒藹橫日前窺巖  
不覩景披林豈見天陽烏尚傾翰幽篁未爲還退尋平  
常時安知巢穴難風雨非攸彛擁志誰與宣倘有同枝  
條此日卽千年

過白岸亭詩

謝靈運

拂衣遵沙垣緩步入蓬屋近澗消密石遠山映疎木空  
翠難強名漁釣易爲曲援蘿聆青崖春心自相屬交交  
止羽黃吻吻食萍鹿傷彼人百哀嘉爾承筐樂榮悴迭  
去來窮通成休憾未若長疎散萬事恒抱朴



行田登海口盤嶼山詩

謝靈運

羈苦孰云慰觀海藉朝風莫辯洪波極誰知大壑東依  
稀採菱歌彷彿會嘖容遨遊碧沙渚遊衍丹山峯

夜宿石門詩

謝靈運

朝牽苑中蘭畏彼霜下歇暝還雲際宿弄此石上月鳥  
鳴識夜棲木落知秋發異首同至聽殊響俱清越妙物  
莫爲賞芳醕誰與伐美人竟不來鳴珂徒晞髮

北邙客舍詩

劉伯倫

泱泱望舒隱黠黠玄夜陰寒鷄思天曙擁翅吹長音蚊蚋歸豐  
草枯葉散蕭林陳醴發悴顏色飲暢真心緼被終不曉斯嘆  
信難任何以除斯嘆付之與瑟琴長笛響中夕聞此消胸襟

宿南洲浦詩

何仲言

鄉已信次江月初三五沉沉夜看流淵淵朝聽鼓霜洲  
渡旅鴈朔飈吹宿莽夜淚坐淫淫是節偏懷土

將命至鄴詩

庾子山

大國修聘禮親隣自此敦張壇事原隰負宸報成言西  
過犯風露北指度輶轅交歡值公子展禮覲王孫何以  
譽嘉樹徒欣賦采繁四牢盈折俎三獻滿壘樽人臣無  
境外何由欣此言風俗既險阻山河不復論無因旅南  
館空欲際西門眷然惟此別夙期幸共存

軍戎

從軍詩

李少卿

樽酒送征人踟躕在親宴日暮浮雲滋握手淚如霰悠



悠清川水嘉魴得所薦而我在萬里結髮不相見袖中  
有短書願寄雙飛燕

安封侯詩

崔亭伯

戎馬鳴兮金鼓震壯士激兮忘身命破光甲兮跨良馬  
揮長戰兮廓強弩

廣陵觀兵書

魏文帝

觀兵臨江水水流何湯湯戈矛成山林玄甲耀日光猛  
將懷暴怒膽氣正縱橫誰云江水廣一葦可以航不戰  
屈敵虜戢兵稱賢良古公宅岐邑實始翦殷商孟獻營  
虎牢鄭人懼稽顙充國務耕殖先零自破亡興農淮泗  
閭築室都徐方量宜運權畧六軍咸悅康豈如東山詩  
悠悠心多憂傷

遠戍勸戒詩

繁休伯

肅將王事集此揚上凡我同盟旣文旣武郁郁桓桓有  
規有矩務在和光同塵共垢各竟其心爲國蕃輔閭閻  
衍衍非法不語可否相濟閩則云補

贈兄公穆入軍詩八首

嵇叔夜

雙鸞匿景曜戢翼太山崖抗首漱朝露晞陽振羽儀長  
鳴戲雲中時下息蘭池自謂絕塵埃終始未不虧何意  
世多艱虞人來我疑雲網塞四區高羅正參差奮迅勢  
不便六翮無所施隱姿就長纓卒爲時所羈單雄翻孤  
逝哀吟傷生離徘徊戀儔侶慷慨高山陵鳥盡良弓藏  
謀極身心危吉凶雖在已世路多嶮巖安得反初服抱  
玉寶六奇逍遙遊太清攜手長相隨



鴛鴦于飛肅肅其羽朝遊高原夕宿蘭渚嗚嗚和鳴顧  
盼儔侶逸仰慷慨優游容與

鴛鴦于飛嘯侶命儔朝遊高原夕宿中洲交頸振翼容  
與清流咀嚼蘭蕙逸仰優游

泳彼長川言息其滸陟彼高岡言刈其楚嗟我征邁獨  
行踽踽仰彼凱風涕泣如雨

泳彼長川言息其止陟彼高岡言刈其杞嗟我獨征靡  
瞻靡恃仰彼凱風載坐載起

穆穆惠風扇彼輕塵弈弈素波轉此遊鱗伊我之勞有  
懷佳人寤言永思實鍾所親

所親安在舍我遠邁棄此蓀芷襲彼蕭艾雖曰幽深豈  
無顛沛言念君子不遐有害

凌高遠盼俯仰咨嗟怨彼幽繫邈爾路遐雖有好音誰  
與清歌雖有姝顏誰與發華仰訊高雲俯託輕波乘流

遠遁抱恨山阿

命將出征詩

張茂先

重華隆帝道戎蠻或來賓徐夷興有周鬼方亦違殷今  
在盛明世寇虐動四垠單醪豈無味挾纊感至仁

北戎琅琊城詩

江孝嗣

驅馬一連翩日下情不息芳樹似佳人惆悵余何極薄  
暮苦羈愁終朝傷旅食丈夫許人世安得顧心臆按劍  
勿復言誰能耕與織

和江丞北戎琅琊城詩

謝元暉

春城麗白日阿閣跨層樓蒼江忽渺渺驅馬復悠悠京



洛多塵霧淮濟未安流豈不思撫劍惜哉無輕舟夫君  
良自勉歲暮勿淹留

廣文選卷第十六

江都葛澗校

廣文選卷第十七

明通議大夫都察院右副都御史大庾劉節廉

詩

樂府

漢安世房中歌 十七首

大孝備矣休德昭清高張四縣樂充宮庭芬樹羽林雲  
景杳冥金支秀華庶旌翠旌七始華始肅倡和聲神來  
宴娛庶幾是聽

嚶嚶音送細齊人情忽乘青玄熙事備成清思物物經  
緯冥冥

我定歷數人告其心較身齋戒施教申申乃立祖廟敬  
明尊親大矣孝熙四海爰轅